

U FOKUSU

Ambasador Wigemark, Šef Delegacije EU i specijalni predstavnik EU, posjetio Šamac i Brčko Distrikt BiH



U Šamcu, ambasador Wigemark se sreo sa načelnikom opštine Savom Minićem i predsjednikom Skupštine opštine Predragom Marinkovićem kako bi razgovarali o pitanjima evropskih integracija i upoznao se sa stavovima lokalnih zvaničnika. Ambasador Wigemark je zajedno sa načelnikom svečano otvorio zgradu opštine u Šamcu, rekonstruisanu u okviru EU Programa za oporavak od poplava. [Više...](#)



Funkcionisanje i održivost sistema javnog emitiranja u BiH predmet EU konferencije u Sarajevu

U Sarajevu je 8. oktobra 2015. godine održana konferencija na temu postizanja EU standarda u funkcionisanju i održivosti sistema javnog emitiranja u Bosni i Hercegovini. U organizaciji Delegacije Evropske unije u BiH / Specijalnog predstavnika EU i Udruženja BH Novinari, konferencija je imala za cilj da pokrene fokusirani dijalog i identifikuje aktivnosti na jačanju sistema javnog emitiranja u kontekstu napora BiH na putu ka EU.



Poslovni inkubator, poticaj lokalnom poduzetništvu, otvoren u Ljubuškom

Poslovni inkubator koji podržava Evropska unija službeno je otvoren 23. oktobra u poslovnoj zoni Zviriči u Ljubuškom. Inkubator će ugostiti oko 20 start-up poduzeća i stvoriti mrežu poslovnih usluga putem programa mentorstva za najmanje 200 potencijalnih poduzetnika.

EU PROJEKTI



Ured specijalnog predstavnika Evropske unije podržava veliku regionalnu konferenciju DRIVE 2015

Cilj konferencije je potaknuti poslodavce u BiH i regiji na razvoj upravljanja ljudskim resursima u cilju otvaranja novih radnih mjesta te poboljšati rad i razvoj uslova za postojeće zaposlenike. Ove godine se okupilo oko 200 stručnjaka iz oblasti rukovođenja, upravljanja talentima, upravljanja ljudskim resursima i radnog prava.



Prva javna debata o uvođenju probacijskih službi u BiH održana u Mostaru

U okviru zajedničkog programa Evropske unije i Vijeća Evrope "Usklađivanje kaznene politike i prakse u BiH sa evropskim standardima", u Mostaru je 16. oktobra 2015. godine održana prva javna debata o uvođenju probacije u Bosni i Hercegovini.



Specijalni predstavnik EU podržava inicijativu sadnje drveća 'Let's Do It'

Ambasador Lars-Gunnar Wigemark, šef Delegacije Evropske unije i specijalni predstavnik EU u BiH, izrazio je podršku ovogodišnjoj inicijativi sadnje drveća koju organizuje Let's Do It! u Bosni i Hercegovini. Hiljade volontera širom zemlje su 24. oktobra 2015. godine, sadili sadnice.

Novosti iz EU info centra



EU info centra obilježio Evropski i Svjetski dan borbe protiv smrtne kazne originalnim umjetničkim performansom i diskusijom

Kako bi istaknuli važnost Svjetskog i Evropskog dana borbe protiv smrtne kazne EU info centar organizovao je umjetnički performans. Umjetnici su kombinovali čitanje govora grčkog filozofa Sokrata prije izvršenja smrtne kazne, dok je istovremeno na platnu nastajala ljudska silueta koja prikazuje očaj.



Francuskim filmom „Pošaljite račun“ nastavljen ciklus kulturnih događaja u EU info centru

Novi program Evropske unije za kulturni i kreativni sektor EU Program Kreativna Evropa sufinansirao je francuski film „Pošaljite račun“/“Envoyez la facture”, sa kojim je 29. oktobra EU Info Centar nastavio ciklus kulturnih događanja. Nakon projekcije posjetitelji su imali priliku učestovati u otvorenoj diskusiji o francuskoj i evropskoj kinematografiji sa predstavnicima francuske ambasade i Francuskog instituta u BiH.

EU VIJESTI



Komisija ulaže 16 milijardi eura u istraživanje i inovacije tokom sljedeće dvije godine

Evropska komisija potaknut će konkurentnost ulaganjem finansijskih sredstava u iznosu od gotovo 16 milijardi eura u istraživanje i inovacije u sljedeće dvije godine u okviru programa Horizon 2020., sistema finansiranja EU-a za istraživanje i inovacije.



Evropska unija odobrila dodatnih 17 miliona eura za Srbiju i Bivšu Jugoslavensku Republiku Makedoniju za rješavanje problema povećanog priliva izbjeglica

Evropska komisija je 9. oktobra predstavila detalje podrške u iznosu od 17 miliona eura kako bi pomogla Srbiji i Bivšoj Jugoslavenskoj Republici Makedoniji da se nose sa nezapamćenim prilivom izbjeglica u ove dvije zemlje uoči konferencije na visokom nivou na temu rute kretanja od istočnog Mediterana preko Zapadnog Balkana, a koja se održava 10. oktobra u Luksemburgu.

Delegacija Evropske unije u Bosni i Hercegovini, Skenderija 3a, 71000 Sarajevo, Bosna i Hercegovina

Tel: 00387 33 254 700, Fax: 00387 33 666 037

Websajt: europa.ba, Facebook: [facebook.com/europa.ba](https://www.facebook.com/europa.ba), Twitter: twitter.com/eubih, Youtube: [youtube.com/eubih](https://www.youtube.com/eubih), Email: delegation-bih@eeas.europa.eu

Za povratne informacije i komentare o Newsletter-u, molimo Vas kontaktirajte Zoru Stanić iz Tima za komunikacije putem e-maila: zora.stanic@eeas.europa.eu

Da biste vidjeli newsletter na Engleskom jeziku, [kliknite ovdje](#).